



# BELIEVERS EASTERN CHURCH WORLD HEADQUARTERS

Office of the Metropolitan, St. Thomas Community, Kuttapuzha P. O., Thiruvalla - 689103 Kerala, India.

## KELNGOICHING LEKHATHOT

August/September 2024

Vannoi muntin'a um Believers Eastern Church Archbishop leh Bishop ho, Thiempu ho leh Deacon ho, Evangelist ho leh Sister ho chuleh Houbung mithieng te jouse Apa, Acha chule Lhagaotheng min'in phattheina leh lemna kahinpeuve. Amen! ✠

Christa jal'a kangailut Houbung miteho,,

Hiche Kelngoiching Lekhathot hi keima dinga Believers Eastern Church Metropolitan panmun katuh jouva kipat amasapen ahi. Amasatah'in nei ngailut nau leh neitaokop jal'un na chung cheh uvah kakipana kahin phong in ahi. Achesa phat ho apat tuni chan Amingailut naleh eipuihoi jing'u Van Pathien thangvahna kapen ahi.

Hiche lekhatot mangchan thilpoimoho lunglut tah'a inangaito diu kanom'e.

**Akhatna:** Youth Assembly (Khanglai Khoppi) October, 2024.

Khangthah hohi i-Houbung dinga khonung kinepna ahiuve. Amahohi local sunga lhagao lam hinkho'a ahat uva, amano uva, akipehjou uva ahileh i-Houbung khonung ding chu bitding ahi. Hichejeh achu taona toh toha Youth Assembly/Khanglai Khoppi hi October 2024 sunga mandinga tohguon kinei ahin, diocese chomchom'a pat khangthah jaodinga lhendoh'a umho hungkalsuong ding ahijeh un lhadai louhel'in alohin thei nading in taonan kopjing'u hite.

Hiche kinguon alohin teina ding'in insung maicham taona, local tinna houbung mite taonan akichai chan in hintaokop jing'un. Mun chomchoma pat hungkalsong ding khangthah te jong dam leh bit a ahung lhun uva Youth Assembly ajao uva lhagao lama phachom tah leh Pathien lungdei banga thienna hinkho aman jing thei nading uvin jong hin taokop jing'un

**Anina:** Pakai lenggam'a ding local houbung akon khangdong tampi ngaichat ahi. Jesu Chrita'n hitin aseiyechuphat'in aseijuite jah a, "Chang-at ding atam lseh-in ahivangin natonga alhome. Hijeh chun achang atnaa dinga natong ho ahinsoldohna dingin chang neipu henga taovun." ati. (Matthew 9:36-38). Hiche ngaichat nahi aguilhun theina ding in local houbung tin, insung maicham taona tin ah taokop jing'u hite. Nangma minu/mipa nahikhah leh nachate Pathien natong dinga ahung kipehdoh theina ding in tao jing'in. Amasan eimatah vetton theyin pang lehen, midang injong eihin juiding ahi.

**Athumna:** Major Seminary/Bible College (Synod), Diocese chomchom'a seminary umho chuleh Sisters of the Cross (SOC) hon academic sessions thah apan'un class apankittauvin, hijeh chun Houbung mithieng ten iumna cheh uvah athemjilna hou, akisinsahna hou phatecha ahinjo uva Pathien Lenggam natong dinga pan ahinlah tei nading uvin taokop u hite.

**Alina:** Kitah tah'a Houbung machalna dinga sum leh pai-a pan ilah hou sunjom jing u hitin lhadai poute. Solchah Paul in 'Macedonia houbung miten nasatah'a vaichatna athoh vangun, athilphal hou vakon aletset jengtan ahi' ati (2 Corinth 8:1-5) hiche hin eihojong i-houbung sunga sum leh pai lama panlah ding athahbeh'in eihetdoh sah kit'un ahi. Houbung mithiengte hon Pakai lenggam machal nading in kiphaltah, thanomtah chuleh kitahtah-in sum leh pai, nei leh gou itcha houhel'in 'meithainun aneichasun' (Mark 12:41-44) atodoh bang in ilungkot u hong-in tohjing u hite. Sumil hih-in, Lunglhai sela pea chu Patien in angailui (2 Corinth 9: 6, 7) chuleh Ama kitepna chu eihon Pakaiya dinga ipehphat ule, Aman van gam bangkot jouse ahondoh-a eiho dinga phattheina chu twi suna asun lhah ding ahi (Malachi 3:10, 11).

Kangailut chateho, nasuh millou diuva kaseibe nom chu ahile gamsung vaipo lamkaiho dinga taopeh jing kiti jong hi eiho mopohna lentah khat ahi (1 Tomothy 2:1-4). Gunchu tah in taopeh jing'u hite. Chujongleh, Bangladesh gama ding in tao jing hitiue, agamsunga kinah naleh kidouna ho abeiya cham leh lungmonna aum kitna ding-in taopeh u hite. Munchom choma (natural calamities) twilet, munchim, huipi kitihon asuhkhah gam miho Pathien in avenbit nading-in taopeh u hite.

Achainan, muntin'a um kangailut sopiteho eiho lhagao lama ipau Metropolitan masa, Athanasius Yohan I in anaseijing, Solchahte Lekhabu hi eiho dinga blueprint (aguong) ahi tihi sumil pou hitin, hiche hi Orthodox Houbung tahsan dinga machah (compass) phapen leh puihuoi hoipen ahin, hijeh chu mimal hihen, mihon hihen, local houbung hijongleh simjing'u hitin lungkhat leh thakhat in machal khom'u hite. Ikalsuon jinglai'u hin, Jesu Christa lam katjing pum'in Ama lunglhai nading in nitin hinkho mangjing'u hite. Lhagao Thieng in mailam hinkho ajong ngailut natoh lam'ah eipuihoi jing untin, igunchu nahou gaso jing ding leh loupina, jabolna, choi-atna jouse Apa, Acha chuleh Lhagao Thieng Pathien chu tu leh tonsot in changing taken ✠.

In Christ, your Father,



Moran Mor Samuel Theophilus  
Metropolitan

**Date** : 12 August 2024

**Place** : World Church Headquarters

---